



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Stephani Thevpoli Bened. F. Patric. Veneti,  
Academicarum Contemplationum Lib. X**

**Piccolomini, Francesco**

**[Basel], 1590**

**VD16 ZV 12463**

An mundi anima distinguatur à Deo. Cap. 2.

**urn:nbn:de:hbz:466:1-12918**

necessè est, cùm contineat eā, quæ nostrum continet corpus, & præstantiora. Proclus etiā in Timæum asseruit; Opifex omnium, compo nens vniuersum hoc, animans esse voluit; ani ma, & intellectu præditum: nam pulchrius exi stimabat esse animatum quodcūque, quā in inanum; intellectuque præditum, non intelli gente. Diuinus Iamblicus in lib. de Myste riis affirmauit Mundum esse animal, in quo partes, quamuis loco distātes, tamen propter naturam vnam inuicem ad se feruntur. Hanc mundi animam eleganter simul, & docte Platonicus Poeta descriptis inquiens:

*Spiritus intus alit, totamq; infusa per artus  
Mens agitat molem, & magno se corpore miscet.*

*An Mundi Anima distinguatur à D E O.*

## CAP. II.

**G**Onuenere profectò illustriores Philosophi in statuendo mundo animato. Verūm quænam sit hæc mundi anima, & quomodo se habeat ad Deum, nō eodem modo explicarunt. Nam, vt cæteros præteream, Arist. animam Mundi minime seiunxit à Deo: ipse enim in octavo Phys. & in 12. Metaphys. Deum statuit motorem primum: illum in 8. Phys. 84, in 12. Metaph. 43. nuncupauit motorem totius, quatenus ab eo pédet motus diurnus, qui per vniuersū diffun ditur; nec vñquam in cœlo, vel in vniuerso,

com.

communem aliam vitam reperiri indicauit  
præter eam, quæ à Deo effunditur. Hinc con-  
stat errasse eos, qui putarunt Arist. animā mun-  
di à Deo distinctā posuisse, & solū in verbis  
esse litem inter Arist. & Platonem; falluntur,  
inquam, manifestissimè. Quoniam si conce-  
ditur cum Arist. anima mundi, ea profectò nō  
pendet à materia; alioquin non esset æternæ;  
si à materia non pendet, necessariò est intelli-  
gentia aliqua; quoniam apud Arist. forma non  
pendens à materia, est verè, & absolutè intel-  
ligibile; omne tale est intelligentia, ut dicitur  
in 3. de anima 16. non enim animam à materia  
se iunctam distinguit ab intelligentia: si itaque  
anima vniuersi non pendet ab vniuerso, erit  
intelligentia vniuersi; huiusmodi autem com-  
munis intelligentia, ex opinione Arist. est so-  
lus Deus. Pariter Strato, & Chrysippus, vitam  
per vniuersum effusam dari confitentur; sed  
eam esse Deum affirmant: cuius sententiæ vi-  
detur fuisse Poeta, dum ita cecinit:

*Deum namq; ire per omnes  
Terrasq; træctusq; Maris, Cælumq; profundum.  
Hinc pecudes, armenta, viros, genus omne ferarum,  
Quemq; sibi tenues nascentem arcessere vitas.  
Sic Iouis omnia plena.*

Ac, ut dicebat Seneca, Deus est, quodcunque  
vides, & quod non vides. Ex aduerso Plato al-  
ferens dari animam mundi, cœsuit eam à Men-  
te, & à Deo esse distinctam; mētis tamen suin-  
mopere esse compotem. Aliam enim Plato A.

nimæ, aliam Mentis, & Dei conditionem esse nouit. Anima seipsam mouet, cum corpore iungitur; est pars constituti ex ea, & corpore; est creata; & ex eodē craterē educta, ex quo mox animæ hominum prodierunt; quæ nec Menti, nec Deo nata sunt conuenire. Colligamus itaque dari animam mundi: addamus, eam à Deo esse distinctam. Ut verò appareat, quomodo ad reliquas animas se habeat, dicamus & animæ mundi, & hominū eandem esse ideam; & propterea ex eodem craterē dicuntur eductæ; crater enim, ut dictum est in præcedentibus, denotat vitæ rationalis ideam. Dicamus insuper, animam mundi esse primam illius idæ participationem: hinc cæteræ animæ dicuntur ortæ ex reliquis præcedētis commixtionis: nam sola puritate, & impuritate ab anima mundi distinguuntur. In hac significacione est vera sententia Plotini; qui dixit, animas in sua vnitate, & radice conuenire; conueniunt enim in sua idea.

*Qualis sit Anima mundi.*

CAP. III.

**V**erū mundus est animans præstantissimum, vt eius corpus omni corporis perfectione est cumulatissimè præditum; ita eius anima, non humilis, sed præstantissima censi debet. Cùm verò præstantissima sit, maximè debet esse cū mente complicata, à qua omnis animæ rectitudo duci.